



25264

kat.komp.

Mag. St. Dr. P

Innocentii Laurentii: Declamatio quae ma-
datur Bohemis ut perempti Ferdina-
num, armis positum, Regem recognoscant.

What a lot

Biblioteka Jagiellońska



stdr0002013

P. V. 42 F

DECLAMATIO

2^{VA}

Suadetur Bohemis,

ut

SERENISS. FERDINANDVM,

Armis positis, Regem reco-
gnoscant:

A

M. LAURENTIO SMIESZKOWICZ, in
Concursu Candidatorum ad Professionem TYLI-
CIANAM conscripta, & publicè in Acad. Crac.
Lectorio DD. Theologorum

HABITA

I. Die Octobris, Anno Domini 1619.



CRACOVIAE,

Ex Officina Matthiae Andreouienfis.

INSIGNIA

V. C.

Ecclesiæ Cathed. Crac.



*Sacrorum Reges populus Romanus habebat :
Hoc, an par aliquid, Stemmata vestra vo-
lunt?*

Ex Officina Martini Andronici.

AMPLISSIMO

Illustrum ac Admodum Reuerendorum D.

DD. Prælatorum & Canonicorum

Ecclesiæ Cathedr. Crac.

COLLEGIO;

Religionis, Reip. Academiæ,
permagno propugnaculo:

Oratoriæ Profess. Candidatus ;

Quam TYLICIVS

Episcopus olim Cracou.

Pietate, prudentia, liberalita-
te, sæculi sui miraculum ;

Academiæ Cracouien. suis vnicis Athenis,

Heroicâ munificentia inseruit:

MEBETHZIN hanc,

Themate per M. D. RECTOREM

D. IACOBVM IANIDŁOVIVM
publicè euulgato, intra tempus
præfinitū, ortu an abortu natā:

tanquam
Eiusdem Professionis fautori-
bus, suisq; reuerenter obser-
uandis Patronis
Arrhabonem animi sui;

M. LAVRENTIVS SMIESZKOWIC,
Collegij Minoris Professor,
meritò lubensq;

D. D. D.



Thesaur. per M. D. RECTOREM

Declamatio.



Um ego sim ita per naturam institutus, vt facile initio dicendi exalbescam, Magnifice Dñe RECTOR, &c. &c. cùmq; solito grauius, quoties in publicum prodeundum est, perturbari soleam: tum hoc tempore, ita multa sunt quæ me commouent, vt non mihi tantum meæ spes omnes animi adijciant, quantum iusta perturbatio detrahit. Moueor in primis facti huius præsentis insolentiâ: quod licet sit artibus perhonorificum, Academiae necessarium, nobis fructuosum, certamen videlicet ingeniorum de facultate dicendi; tamen ita est inusitatum, vt ante hoc tempus nunquam sit auditum. Iam si materiam, de qua sermonem instituere debeo, inspiciam; eam non mea voluntate quamuis & obuiam, sed iussu maiorum, ignotam & peregrinam aggredior; quamque argumentis conficere ita est perarduum, vt mihi Bohemorum exquisitè &

à radicibus ipsis consilia nosse, difficillimum est. Bohemos autem ipsos absentes, hîc in vestro conspectu facere præsentes, & non iam in Comædia vnam aliquam in rebus fictis concinnè personā gerere; sed negotium momentis Reipub. ponderosissimum, aliud agendo, quasi reapse tractare; an hoc minimum & cuiusvis ingenij existimabitis? Equidem cū in omni vita personam fictam sustinere nequeo, tum illam in his quoq; ipsis quæ ad exercitium pertinent, eò facilius prodo, quò magis illud viro- rum esse iudico, Orationem propter negotia suscipiendam esse. Accedit illud etiam, vnde ego præsentem intrepidumq; animum dicentibus conciliari, certissimum experior, tempus videlicet; cuius certè ad præsens negotium, aut vix satis habui, aut in alias necessarias cogitationes dispertitum, non quoad illius vellem, sed quoad possem, in eam rem contuli. Ita ea quæ meæ tenuitati in omnibus rebus suffragari solent potissimum, tempus ac diligentia, ea inquam in præsenti cura defuerunt. Nam quò
minus

minùs ingenio possum, cò magis in auxilium
diligentiam aduocare soleo de qua tantum de-
cedere debet, quantum de tempore diminu-
tum est. Illud me præterea (quod ingenuè fa-
teor) sollicitum non potest non habere, quòd
hic dubiam veluti aleam iaciamus, ter sex an-
tres tesseras iacturi simus nesciamus; adeo vt
hinc mihi aut Regi aut asino, vt est in veteri pro-
uerbio, prodeundum sit. Iam nè sunt omnia
quæ meum animum hoc tempore debilitant?
Nondum Aud. Acad. imò ista leniora; hoc quod
sequitur mihi cogitanti multò molestissimum
est. Cogito mecum, reperiri posse non nemi-
nem, qui forsitan putet me spe raudusculi pin-
guioris allectum, & mei mearumq; virium ob-
litum, ad hanc operosissimam spartam anhe-
lare; nec tam honestate quàm cupiditate qua-
dam voluntatem meam impelli; subuereor ne
secum aliquis cogitet. Quod vnum si contra
me directum certò existimarem, cederem faci-
lè; neq; mihi vllò modo persuadere possem, vt
vel hanc primam velitationem in hoc vestro
consp-

cōspectu amplissimo sustinerem. Sed mihi red-
dit animum, atq; me in bonam spem erigit ve-
strum diuinum ac singulare iudicium, viri Aca-
demici; qui nec vestræ prudentiæ putaretis esse,
temerè cogitationes alicuius in suspicionem ra-
pere; nec æquitatis, eum qui nihil minus quā
hoc ipsum cogitat, istius criminis insimulare.
Vobis præceptoribus ego didici, tutorem non
professorem esse debuisse, qui primam lucri cu-
ram in oculis habeat; vobis fideiussoribus, illud
quod experior, credidi; neminem vnquam in
Academia, qui pro fide ac diligentia officium
fecisset, eguisse, imò plusquam ad necessitatem
semper habuisse; vobis demum datoribus tan-
tum iam & ornamentorum & vtilitatum acce-
pi; vt potius, ad illa refundenda quam ad noua
recipienda, memoriam & cogitationem con-
uertere debeam. Quid ergo me aliud ad hanc
ambitionem impulit? Nolim hanc ambitio-
nem dici, honestissimam voluntatem appellari
cupio, quam à me fides pietasq; debita in me-
am altricem Academiam extorquet; quam an-
tipelar-

tipelargia; vt quod accepi ab ea discens, docens
illi rependere queam, omnino exprimit; quam
demum authoritas maiorum præceptorumq;
meorum, trepidam, & vix non coactam, huc
prodire iussit. At hîc magno erit opus labore?
Ita est, verissimè hoc dicitur: magnis & vix fe-
rendis opus vigilijs? Nihil in hoc dubito: Mul-
ta & magna in Oratore desiderari, nec verò in
me adesse? Istud verò non tam probri, quàm
necessitatis esse puto; quin libens multa mihi
deesse, me ipsum etiam testor. Sed age, quisquis
es, attende quid mihi præstò adsit. Adest ani-
mus, non per se modò ad hanc facultatem in-
flammat, verumetiam præsidij non omni-
no nullis præmunitus: adest ætas atq; tempus,
Thaletis testimonio, prudētissimum: adest ipsa
futura exercitatio, genus discendi, Quintilia-
no teste, potentissimum. Quæ cùm ita sint, ade-
ste animis Viri Acad. & me iam spe vestræ bene-
uolentiæ animatū, ad illud quod mihi est visum
difficillimum promptius aggredientem, beni-
gni attendite. Quid autem, vbi, & apud quos
B
agam?

agam? Hic apud vos præsens, in Bohemia contra Bohemos agere me constanti animo cogitabo; atq; hos ab armis ad pacem, à discidijs ad concordiam vocans, vt Regi Ferdinando, fidem semel sanctè datam, seruare in animum inducant, illum pro Domino recognoscant, ac reuerenter habeant, intestino bello ne Patriam afflictam dilacerent; suadebo & exhortabor. In qua re dabitur primùm veniam Auditores Amplissimi, si ego ab huius causæ intima cognitione penitus inops, non ea, quæ secum hîc aliquis longè solidiora cogitare poterit, afferam; sed quæ à communi dictata rumore percepi, illa nō tam politica maiestate, quàm scholastica quadam consuetudine, in medium producam. Deinde verò, condonabitis hoc necessitati meæ, cū hac abutar præsentia vestra; nec vos iam Polonos, sed Bohemos, non pacis studiosissimos Academicos, sed belli furore percitos militares viros, imaginabor; atq; hanc nō domum & officinam literarum, Theologorumq; sanctissimam Stoam, sed castra vel militare

tare contubernium, animi cogitatione reputabo. Sed iam fingite animis (liberæ siquidem sunt cogitationes vestræ) me primum aliquē Bohemum, fideiq; datæ memorem, indignitate summâ commotum, inter Bohemos dicere; cumq; iam celeri procæmio dicendi necessitatē ostendissem, animosq; audientium meos fecissem; ita me rem ipsam pro eius atrocitate cum affectu ordiri, omnibus in rem erectis, vobiscū tacitis animis æstimate.

ATque ut inde oratio mea principium sumat, unde hæc omnis causa ducitur; bello intestino eodemq; grauissimo patriam vestram ardere videtis ô Bohemi. Parum erat machinationibus non occultis Regem violasse; nisi huic iugum excussissetis? parum iugum excussisse; nisi periurum in orbem terrarum palam sermonibus vestris disseminassetis? parum & hoc; nisi susq; deq; rebus conturbatis, tot cladibus, tamq; memorandis, exitium vltimum Reipub. miseræ, lineamq; infortunij super-

premam inducere tentassetis? atq; (prò dolor) vsq; dum tentatis. Quid primum querar? aut unde rem ordiar? aut quod & à quibus auxilium petam? DEI ne potentem illam dexteram implorem? ciuiumne cordatorum fidem appellem? vestramne, vestram inquam per cœlum terramq; pietatē in miseram patriam, obtester? An adhuc sempiternā turpitudinis maculam non agnoscitis? an infame nominis Bohemici dedecus, hoc in facto non oculis contemplamini? an vindicem illam cœlestemq; iustitiam (nisi resipiscatis) non exhorrescitis? O miseram vestram & nūquam satis deplorandam sortem, ô grauem & non ferendam fortunam. Cū per scelus & ipsissimum nefas atrocissimè delinquitis, leges & instituta compellatis; cū impiissimum facinus (dicendum enim quod res est) immani audacia perpetratis, religionis velamen obtenditis; cū deniq; fidem semel sanctè datam cōtra omne ius atq; fas violatis, atq; in voluntarium interitum sine omni spe præcipites ruitis; vos de patria posterisq; vestris mereri quàm cumulatissimè, per
infa-

infaniam infanissimam existimatis. Recordamini per Deum immortalem temporis illius, diem illum solemq; reminiscamini; quo Regem Ferdinandum Regiis omnibus virtutibus eminentissimum, liberrima voluntate in Dominum depoposcistis, magnis ac densis acclamationibus in Monarcham vestrum elegistis; fidē sanctē datā, recordamini quomodo verbis conceptis solennibus, solenniter iurauistis. Prō Deum immortalē vbinām gentium sumus? aut quid nobis tandem dignum agimus? aut quid ad extremum ō Bohemi sperare debemus? In media Turcia homines nati, ad hęc medius fidius exhorrescerent; & barbari ponē Caucasum educati, ad vestram hanc ō Bohemi (qua voce vtar nescio) ad vestram hanc inquam ignominiosissimam impietatis turpitudinem contremiscerent. Regem Ferdinandum, Regum optimorum exemplar ac ideam, in Regem vinctum vidimus; coronā Regni Bohemici caput eius circumdatum læti aspeximus; sceptro & virgā regni huius decorum, tripudiant es admirati sumus

mus; in throno & solio Reip. nostræ collocatum, Regem Bohemiæ venerabundi consalutauimus; colla, eius imperijs reuerenter submisimus; iure demū iurando nos omnes, omnesq; nostros astringimus: quid itaq; nunc agimus? quid molimur? quid, per vestras vos animas queso, machinamur? Quæ perfidia est (parcite cū sanare volens dico) quæ inquam est perfidia, si hæc fides appellabitur? Itane illa nō hominum tantū quorumuis cum hominibus, sed hostium cum hostibus firma stabilisq; virtus è Bohemia eliminabitur? Siccinè illa, quæ à Turcis ac Tartaris alienis Regibus religiosissimè præstatur, à Bohemis Regi suo non seruabitur? Siccinè per fidem violatam, omnia iura Dei, hominum, atq; ipsius naturæ violabuntur? Attendite quid dicam ô Bohemi, atq; in vos altiùs descendentes, sanioris mentis cogitationem suscipite. Iura naturæ, per hoc vestrum famosum & immane factum infringi, leges humanas politiaq; sancita grauissimè labefactari, diuina demum præcepta, per Giganteā impietatem conculari

culcari; si non videtis, ostendam; si negabitis,
conuincam. Vultis à natura incipiam? Aspici-
te, aspiciite clarissimū naturæ sensum vel in bru-
tis animantibus, & quibus animis in Reges ve-
stros esse debeatis, ab illis exemplum sumite.
Grues vnū in suis volatibus ducē, volētes liben-
tesq; sequuntur; cerui, elephanti, atq; ipsi, plena
stuporis animalia, boues, ducē suū agnoscētes,
eundem priore loco dignantur; apes, tantum
abest Regem suum lædere, verū, vitam illius
à quouis periculo tutari, laterum & corporum
suorum oppositum obiicere, vitā deniq; ipsam
pro illo profundere per naturam edoctæ, glo-
riosissimum habent. O rem non stuporis vel
admirationis plenam, sed monstri prodigiiq; si-
millimam. Quod nobis parens natura, in ve-
nas ac viscera animorū insculpsit, hoc nec vna
mentis cogitatione recordari volumus: cuius
in brutis; & intelligentiā vacuis feris, clarissi-
ma documēta defixit; huius nos homines nati,
rationis & orationis cōpotes facti, altissimam
obliuionem in sensibus, actibusq; nostris circū-
feri-

ferimus. Sed missū interim naturæ sensum faciamus; ita tamen vt meminerimus, hoc nos sine graui contra naturā peccato cogitare, nullo modo posse. Descendamus hinc iam in theatrum Politicorū, sensum prudentiæ ciuilis reconditiore perscrutemur, genium Rerūpublicarū consulamus. Videor mihi nūc videre, imò & audire præsentem, Regem olim Lacedæmoniorum, prudentiā, consilio, rebusq; altissima præuisione trutinatis cōmemorabilem Theopompum. Quid iste? Spartam quidam magnis encomiis in cælum vsq; ferebat, atq; hoc agens istam felicitatem fortunatissimā non nisi a Regibus benè imperantibus, Spartam habere, constanter aiebat. Quid creditis Theopompum ad hæc respōdisse? assensum præbuisse forsitan putatis? Imò inquit, non hoc. Quid ergo? Spartā seruari (attēdite Bohemi, Theopompus in rem vestram loquitur) Spartam, inquit, florentem seruari credatis, non quia Reges benè imperare nōrint, sed quia ciues Regibus obtēperare probè didicerint. O vocem per Theatra
omnium

um imperiorum ingeminandam, ô dictum per
omnes Bohemiæ afflictissimæ angulos vel hoc
tempore, magna vociferatione personandum.
Dicam, dicam enim quod res est ô Bohemi. Cū
in hoc vestro præcipitis ac propè extremæ au-
daciæ facto, à scelere solui poteritis; ab errore
certè grauissimo nūquam esse liberi vllō modo
valebitis. Quid? An hoc quod vos agitis expe-
diisset aggredi, non dico iam cōtra Regem, quē
habetis clementissimum, vestri boni sitientis-
simum, omnibus æquissimum: sed contra Ty-
rannum aliquem, impotētiā, libidine, rapinis,
alijq; sceleribus commaculatissimū? Dabis ve-
niam Ferdinande Rex omnibus amplissimis &
Rege dignis virtutibus ornatissime, si te non cū
tui similibus, quod debeo, cōparo; sed vt ostē-
dam, quā tecū pro tua bonitate, non est actū
optimè; Si te inquam Tyranno alicui (à quo
per omnē naturam tuam abes longè lōgissimè)
ad punctū temporis, ficta cogitatione mētis, æ-
quiparo. Ita q; cogitate vobiscū in animo, quod
in re nunquam exitit, quodq; semper procul
absit.

absit. Fuisset sanè Rex, non is qui est, omnibus
numeris & gradibus optimus, sed cuius alius
Tyranno simillimus, vitiisq; regnū demolienti-
bus notatissimus; an hoc vobis facere, ad quod
hoc tempore grauiter ingemiscimus, collibui-
set? annon eum, quisquis ille fatis ita volētibus
fuerit, perferre potius; quàm ita vsque suprema-
imis confundere, è re vestra, è re patriæ, poste-
riorumq; vestrorū fuisset? Viueres, viueres nunc
magne Marcelle, è cuius ore similis oraculo vox
illa prodijt: Bonos principes voto expetendos,
qualescunq; tolerandos esse. Viueres & tu ô
Cerialis, altissimâ rerum Politicarum perspicie-
tiâ clarissime, qui Treuiris olim consulebas; vt
imbres & cætera naturæ mala; sic luxum, aua-
ritiam, & quæuis alia vitia dominantium, perfe-
renda esse. Viueres tu quoq; Claudii Romano-
rum Imperator, vel ob hoc solum laudatissime,
qui legatis Parthorum suadebas; Ferenda Regū
ingenia, neque vnquam vsui esse Regum muta-
tiones. Viueretis & vos lumina Historicorum
fulgētissima; Xenophon suauissime, Liui graui-
sime,

10.
sime, subtilissime Tacite, Valeri prudentissime;
qui vnanimi consensu, donandas tales iniurias
vel ipsi Patriæ, nec in visceribus Regni, ob has
excitanda bellorū incēdia, obnixè suadetis; qui,
nunquam per discordias, nomen libertatis spe-
ciosæ, iure prætexi, cōstanter affirmatis; qui Re-
gum mutationes nunquam in melius esse, non
minus verissimè quam prudentissimè, omnibus
regnis ac imperiis denunciatis. Exempla si quis
desiderat, næ ille dicentis potiùs vocem frange-
re, quàm si hæc non dico omnia; sed magna ex
parte commemorentur, audire velit. Quid e-
nim obiter hìc reuocem antiquissimos Mace-
donas, qui cū Philippum & Alexandrum vi-
uos odissent, atq̃ue tot ac tã plurimis modis re-
gno exuere cupiissent; à crudelibus postmodū
Tyrānis agitati, ad memoriam illorū perpetuò
suspirabant, atq̃; vel solam illorum similitudi-
nem, aut adumbratam imaginem in sequenti-
bus grauissimè desiderabant. Quid memorem
Romanos, olim orbis terrarum Dominos, qui
per vim quàm plurimis specioso nomine Liber-
tatis

tatis eiectis, aut extinctis; propemodum semper in peius prolabebantur. Quis demum singulos è Lacedæmonijs, Atheniensibus, cæterisq; omnium gentium, nouis antiquis, cultis barbaris, Christianis Ethnicis imperiis, percensendo, enumerare valeat? Vnum illum quæso, reliquis omnibus posthabitis, Phrygem fossorē attendite, quid agat, expendite. Post mortem Antigoni sæui, crudelis, inexorabilis Principis, agellum suum profundius multò quam vnquam consueuerat, fodere cæpit. Hoc admiratus eius vicinus cùm accurrisset, & cur id faceret, rogauisset; ille respondit: Antigonum se quærere. Cur nam obsecro? Non quòd (ait) Rex bonus fuisset. Cur itaq; si non ob hoc? Sed quòd, inquit, in omni vita sua, deteriores semp prioribus, Principes succedere planè meminisset. Mandate hoc altis animis sensibusq; vestris ô Bohemi, atq; quid agatis, ad hanc trutinam, perdiligenter examine. Quis enim laudatissimorum etiam Principum vnquam fuit aut esse potuit, qui virtutibus altis eminens, vitiorum

tiorum nō arcefferetur? Accusabatur Cēsar non
ferendæ ambitionis, Alexander temulentiaē ar-
guebatur; Pyrrhus præcipitis consilii, Hannibal
dubiæ fidei, Fabius tardi certaminis, Marcellus
affectatæ pugnaē, Seuerus crudelitatis barbari-
cæ; insimulabantur, astringebantur, conde-
mnabantur. Attamen omnes hos, non tæ-
tū antiquitas inter celebratissimos Principes
habuit & venerata est: verumetiam posteritas,
inter optandorū Principum Archetypos, omni-
um sæculorum consensu, inseruit. Quid si iam
non pleraq; dico Principum vitia, sed nescio
quæ non alia; non naturæ vel Politiaē sensu, at
literarum sacrarum iudicio, legumq; diuina-
rum præscripto, ferenda esse demonstraui?
quid ad hæc dicetis, quid vobiscum cogitabi-
tis? Nec verò vmbrarum similibus argumentis
me rem istam elusurum existimate, imò viuīs
sacrorum voluminum, atq; (vt aiunt) sole me-
ridiano clarioribus documentis demonstnan-
tem, benignè, vt cæpistis, attēdite. Quæso ego
vos, annō Saules Israelis olim Rex, vero Deo suo,
C 3 cultuq;

cultuq; illius verendo derelicto; fœdam idolorum culturam exercuit? annon Tyrannicè, omnia per vim, nihil per leges, in homines hominumq; bona statuens, sacerdotes Domini contrucidari iussit? annon eorū ciuitatem, omnesq; ciuitatis incolas cruentissima strage deleri, ac extirpari mandauit? Attamen hunc Dauid Rex, suum Deiq; sui inimicissimum hostem, in potestate habens, integrum seruauit; & cū occidere potuisset, non hoc tantum facinus aggredi sustinuit. Causam desideratis? Vt omnes discerent (verba sunt Doctoris in Ecclesia maximi, Sancti Ambrosij) vt omnes inquit discerent, fidem Regi proprio seruare, nec vsurpare imperium sed vereri. Imò quid sit factum expendite. Miles qui Saulem interfecerat, annon Dauidis decreto capite multatus fuerat? annon ad illa Dauidis verba (posteaquam se occisorem Saulis confessus fuisset) cohorruerat? Sanguis tuus super caput tuum. Quæ causâ est obsecro, tãti tamq; terribilis, verborū, decretiq; tonitruus? Os enim inquit tuum locutum est aduersum te
dicens;

dicens: Ego inrerfecì vnctum Domini. Tam
graue tamq; horrendum est, vnctum Domini
violare; & licet ille foret impiissimus, huic ta-
men vim aliquam inferre, graue ac horrendum
est. Quis enim (vt alios præter Saulem com-
memorem) Ioâ Rege fuit aut improbior, aut
crudelior? Attamen huius occisores, quòd vn-
cto Domini vim intulissent, fædissimè iugulati
sunt. Quis Rege Salomone petulantior? quis
Roboamo flagitiosior? Attamen hos in magna
veneratione habitos regnasse; nec eorum vitia
grandiora apud Dei populum Principesq; Iu-
dæ, illis obfuisse, probè meministis. Quod si
hæc nimis vetera putatis; præstò adest Christi;
salutis humanæ vindicis regula, quæ Christia-
norum nationem, non tantum iustis ac piè im-
peritantibus, promptè iubet obsequi; verume-
tiam, vt quantumuis improbos & crudeles, pa-
tiēter ac sensu Christiano perferat, omnino indi-
cit. Adest viua vox Diui Petri, Apostolorum
Principis, qui verbis disertissimis in sua prima
Epistola dilectis in Christo mandat, vt cum ti-
more

more sint subditi suis Dominis; non solum bonis & iuste dominantibus, sed nequam etiam, & perperam ac omnia pro libidine agentibus. Adest illa tot Sanctorum Patrum in Concilio Constantiensi œcumenico, anathematis fulmine communita sententia; per fidem, per legem institutumq; Christi, nec in ipsos Tyrannos, quicquam tale vnquam licere. Quæ vox veritatis potest esse clarior? quæ tot exemplis, tamq; lucentibus per se argumentis, cogitari potest manifestior? Sed quo tandem fine, de institutis naturæ ac Politicæ, tam multa in medium adduximus? quo consilio Christianas etiam sanctiones in testimonium appellauimus? Eo fine Bohemi, vt omnes intelligatis, hoc quod nunc agitis, tantum abest in Ferdinandum Regem, Regem optimum & omnibus modis laudatissimum; sed nec in quemuis alium, licet sceleribus quibusque contaminatissimus fuisset; vobis per vestram prudentiam, per fas diuinum humanūque, vllō modo licuisse: eo consilio, vt resipiscenciam ocius maturantes, palam oculis
videatis,

videatis, vos grauiſſimum humanæ opinionis
errorem cōmiſiſſe. Dolens & cum lachrymis
hæc apud vos dico ô Bohemi, atque me hac v-
nica ſpe, veſtrâ videlicet reſipiſcentiâ, conſolari
ſoleo. Quæ niſi citiùs affuſerit; quæ metuen-
da quidem ſint, imò quæ fati extremi mala hor-
ribilia nobis omnibus noſtriſq; immineant,
planè ſentio: quid verò vnquam boni ſperan-
dum niſi armis depoſitis, genibus Regiis aduo-
luti culpam fateamini, pœnam deprecemini
quid inquam ſit boni, nobis omnibus vllo tem-
pore ſperandū, hoc ſi nō affuerit; nihil inuenio.

Sed quoniam parum prudentis eſſet, cogita-
tiones alicuius euertere, niſi cauſam inſpicias;
agè nunc videamus, ex quo fonte opinionis ma-
lum iſtud promanarit, & quàm immertiffimas
pœnas fama Regis optimi luat; paucis expendam-
us. Quid enim affertis? ſcilicet FERDINAN-
DVM Regem inclytum pactis non ſtetiſſe; iuſq;
iurandum, quo ſe aſtrinxerat, fidem non ſeruan-
do rupiſſe. Magnum hoc eſt, quod obijcitur
mihi credite; ſed tamen ita magnum, vt cūm
D apud

apud omnes eius naturæ conscios, tū apud me
ipsum omnino sit incredibile. Quis enim cre-
deret? Equidem omnes Regiæ virtutes in illo Re-
gio pectore sedem suam defixerunt; at fides, di-
ctorumq; & conuentorum constantia, tantò
cæteris omnibus, altioribus fixa in eo manet ra-
dicibus; quantò hæc inter cætum amplissima-
rum virtutum, eminentior & augustior est. In-
ferre oculos in eius vitam & mores, facta eius
excutite, publica cum priuatis diligenter vt so-
letis examine; qua fide non dico cum amicis,
cum domesticis, cum sibi charissimis subditis;
sed cum hostibus etiam agat, considerate: vo-
lentes nolentes in aliam sententiam concedere
debebitis. Doleo ego Bohemi Clarissimi, gra-
uem iniuriam nomini amplissimo Regis optimi
hac insimulatione afferri, & cū partum istius
insimulationis infelicem aspicio; magis ac ma-
gis doleo, dolereq; debeo. Nam si nos, qui ab
istiusmodi dignitate quàm longissimè absumus
tanti fidem æstimamus; vt quiduis pati potius,
quàm huius iacturā non dubitemus; quid pro-
fecto

fectò de Regibus existimabitis? quid illis amplum, quid excelsum, quid magnificum, hac vna virtute debilitatâ, relinquetis? Cùm verò etiam tot ac tã grandia mala, supremiq; exitij Reipub: prœuia, ex hac falsissima fidei diminutæ opinione, per Bohemiam vniuersam grassari aspicio; quibus verbis, aut execrationibus, amentissimam illam opinionem deprecari debeo? Sed ne forsan æstu dictionis aliò quàm res postulat abripi videar; vnde fui digressus illuc redeo; atq; Ferdinandum Regem, Regiis omnibus virtutibus eminentissimum, cùm in omni vita sua omnibus fidem suam sanctissimè seruasse, tum erga vestrum inclytum regnum eandem intaminatam coluisse, constantissimè asseuero; atq; in hoc mentem eius consciam, quam omnium habet charissimam testor, semperq; testabor. At religionem nostram à sua diuersam, contra fidem datam, quoquo modo poterat, Rex Ferdinandus violabat? Hoc tandem illud à vobis dici audio, quod caput & principium omnis mali præsens esse existimo. Rex ergo Ferdi-

nāndus Religionem vestram violabat? Non facile crediderim; quī enim poterat? At facile Regi potuisse, cū voluerit? Quid si id nunquam in animum induxerat? Quid si id si cogitārat, non ex propria, at ex aliena voluntate, cogitare potuerat? Non hoc nihili æstimate quod à me dicitur Bohemi prudentissimi. Neq; enim tantū Reges multa dissimulare debent, vt est in veteri dicto: verum etiam multos in multis audire, nonnunquam coguntur. Verū esto; voluerit sanè rex; concedamus etiam vt aliqua parte religionem vestram imminuerit: an inde culpā tenebitur? Quis obsecro tam rudis tamq; rerum omnium ignarus est, qui non intelligat, videat, & planè sentiat hominum voluntates, & consilia, non res & facta in crimen ac iudiciū vocari debere? Optauit Rex prudentissimus irreligiosam religionem vestram à vobis propulsari: quia vestris animis exitium supremū, æternosq; carceres hanc importaturā vt modò non dubitat ita nunquā dubitauit. Quid ergo vultis amplius? Itane sinistrè voluntatem hanc eius
piissi-

piissimam rapietis? Itane hunc paternum affectum studiumq; de vestra salute quam optimè merèdi, profanè ac hostiliter interpretabimini? O Regum ac Principum conditionem miserri-
mam. Pro amore in suos paterno, hostile odiũ pro interno affectu, ardentiq; studio, contemptũ ferunt atq; repudium. Vtinã Rex Ferdinan-
de Bohemos odisses, (dicam, dicam enim in te Bohemia impiè, quod pro tuo Rege dicendũ est piissimè) vtinam illos odisses, vtinam illis hanc felicitatem, quam optabas, nũquam optauisses. Proscripserat istiusmodi animorum humano-
rum pestes è Bohemia, sanctissimæ recordatio-
nis LADISLAUS Rex: Ferdinandus I. Maximilianus II. Rudolphus item eiusdem ordinis; ce-
lebratissimi nominis Imperatores, publicis edi-
ctis, è Repub. eiecerant; patriã, regno extorres fecerant. Tu Ferdinande Rex, naturã tuã, non cuiusuis merito clementissimus, tolerasti; tempore labes istas pestiferas aboleri posse pu-
tasti; omnibus modis alijs viam benignitatem spirantibus, hoc quod Princeps optimus opta-

re subditis debuerat (vt sancta religione animi
ciuium imbuerentur) optasti; & quantum in te
situm erat, magno studio, sed amoris pleno, eui-
gilasti. Non tuæ cogitationes cruentæ fuerunt;
non hoc, vt ciues eijcerentur, non, vt bona illo-
rum Reipub. addicerentur, vnquam voluerunt;
sed, vt per omnem tranquillitatem pietas cum
religione auitâ, inter tuos effloresceret; vt ciui-
um tuorū animis quàm optimè cōsultum esset;
in hoc tuæ curæ vigiliæq; beneuolentissimæ la-
borauerunt. Iamne videris omnem culpam Re-
gis vestri ô Bohemi; iamne illum in eo solo pec-
casse, quòd vos, vestròrumq; animorum salu-
tem, plus merito vestro adamârit, animaduerti-
tis? Verum consideremus vltiora. Si hoc
agens Rex Ferdinandus, Regnum suum ad quie-
tem ac tranquillitatem componere satagebat;
atq; ita cladium miserabilium inde in Bohemia
sæpe pullulantium, occasiones præcidebat: an-
non hoc demum erit, quod eum non tantum
iute meritißimo apud vos excusare, sed etiam
peruehementer commendare debet? Quam-
obrem

obrem si hinc Rex Ferdinandus, hic modò in
quam in vestrum medio consisteret; annon
palàm & gloriòse clamare posset? En ego Fer-
dinandus ille, qui vestris religionibus obfisto:
verum est; quia vestris animis exitiosissimas fo-
re, certissimum habeo. En ego ille, qui istas in-
crementum facere non cupio: verum est; quia
ex his Erynnes pronasci, & bellorum ciuiliū
latissimè regnum depopulantium incendia o-
riri, multorum sæculorum exprimentis, disco.
Testis est mihi annus post 1400. nonus; quan-
tas quàmq; inauditas Hussus, Tartareus ille fili-
us, per vniuersam Bohemiam turbas conciue-
rat. Testis postmodum annus vigesimus, quo
ita miserabiliter propter hæreses Bohemia suis
emota sedibus fuerat, vt sempiternæ memoriæ
VLADISLAUS IAGELLO, Poloniarum Rex,
eam suis regnis adnumerare, propter tumultus
perpetuos, nullo modo vellet. Testis dein an-
nus post commemoratos 58. quo propter Vi-
clesum & Hussum portenta illa inferni, amplius
quadraginta millibus agrestes congregati, Ma-
gistratus

gistratus Pragæ nouæ occisi; omnia conturba-
ta, peruersa, labefactata fuerant. Testes aderunt
illi ipsi Zyscæ, Coribulti, alijque similis farinæ
Gigantuli, Hæreticorum Duces, Reipub. exi-
tiosissimi: qui tantum detrimenti in hoc re-
gnum, hæresum pestem propagantes intule-
rant; quantum nec ego dicendo exponere,
nec vos audiendo comprehendere valeatis.
Testes iam, ipsos Reges, qui ante me clauum
huius imperij tenuerūt, appello: quos, & quam
periculosos motus, Regi Venceslao Caroli 4.
filio, hæreses teterrimæ pepererint; quas furi-
as, temporibus Ferdinandi, ab ipsis credo infe-
ris exciuerint; quomodo Rudolphum secun-
dum, quàmq; miserabiliter violârint, vexârint,
afflixerint; quomodo (vt nuperrimè scelus
commissum, paulùm retrò aspiciam) Regiam
personam in eius vicarijs tractauerint: hæc &
permulta similia, non tantùm vobis memoran-
da, verumetiam diligentius, cum sua atrocita-
te cogitanda relinquo. Testes verò adextre-
mum omnes gentes Christū professæ, omnesq;
populi

populi, atq; adèò ultimæ Indorum oræ, in quas
etiam ipsas, ex hæresibus horribiles turbæ, è
turbis confictus, ex his publica exitia immigra-
uerunt. Ergo id me factitantem cùm recorda-
mini; non odium aliquod, sed immensum me-
um in vos amorem cogitate: non meam libidi-
nem aliquam, sed in vestram Remp. incredibi-
lem pietatem, à me hoc facto proficisci, ratum
ac indubitatum habete. Hæc ad vos ita si Fer-
dinandus ageret; annon in vobis commiserationem
suæ fortunæ cum lachrymis eliceret? annon istâ
suâ tam insigni erga vos pietate, vestram erga se
impietatem his verbis grauissimè exprobraret?
Quanquam nihil est opus figmentis, res loquitur
ipsa, quæ per se valet plurimum: atq; Austriacam
domum, domum in terris cælo proximam, nunquam
tantam indignitatem suis meritis apud vos commeruisse,
clamat ac vociferatur. Quis enim hoc per Deum
non videt? quis ad istius recordationem non ingemiscit?
Hòsne fructus laborum suorumq; suorum, hancnè à vobis grati memo-

riq;

E

risq;

risq; animi significationem, augustissima domus habet Austriaca? Illa, illa domus, ex Regibus orta, per Reges propagata, in Reges & Reginas orbis terrarū disseminata: Illa Domus, Imperatorum S. Romani Imperij plantarium, sobolis Regiæ per vniuersam Europam Seminariū, virtutum celsissimarum lectissimum viuarium: Illa deniq; domus Bohemiæ semper addictissima, commodorum & ornamentorum eius sicientissima, pro illa in mortis etiam pericula ruerere, semper paratissima. Iamne vobis ex animo & memoria vestra exciderūt illi Rudolphi Mansueti, Alberti Inclijti, Ladislai Dilecti? Iamne penitus ex omni recordatione vestra effluerunt Alberti illi Secundi Turcis terribiles, Ferdinandi & Maximiliani, aliiq; innumeri, omnibus gentibus ob gestorum magnitudinem admirabiles? Iamne quos proximè mors è medio sustulit; iamne & hos cogitationes vestræ, obliuione lethæa, sepeliuerunt? At per Deum utiq; meminisse debetis, hos omnes Reges vestros fuisse, nulla vnquā pericula pro vestra, vestræq; patriæ

patriæ salute detrectauisse ; in hostes medios
mortemq; perspicuam , pro vestrorum maio-
rum liberis , coniugibus , totaq; Repub. sese in-
trepidatos tories intulisse. Siccinè horum vene-
randam posteritatem , eandemq; ipsam de vo-
bis effusè meritam condecoratis ? Siccinè me-
rita meritis non ingratissimi rependitis ? Egre-
giam verò vestram laudem , egregium decus ô
Bohemi ; qui ita vsq; Reges vestros , vestros nu-
tritores , ex Regibus vestris natos honore digna-
mini ; vsq; ita illis de vobis meritis gratiam re-
fertis atq; habetis. Quantò iustiores olim non
ex populo Christianorum , sed ex gentibus Pa-
ganorum antiquissimi Persæ , qui teste Isocrate
ad miraculum vsq; suos Reges , propter eorum
id vnum beneficium , quod præessent , venera-
bantur. Quantò æquiores Græci ; qui Reges
Lacedæmoniorum , Reges inquam suorum ho-
stium ; non vbiuis , sed in pugna etiam ; nō tan-
tū manus à vi contra illos abstinendo ; verū
etiam retrocedendo , propter solam huius no-
minis maiestatem , reuercebantur. Iam nunc ô

magne Regum magister Xenophon credam,
quod prædicebas; iam ex omnibus animalibus
hominem in suum Rectorem esse ingratiſſimū
ſciam, quod olim tu demonſtrabas. Agnoſcunt
elephāti ſuos curatores; oues, imò cerui, demū
Plinij teſtimonio ſues ipſæ, vocē adminiſtrorū
ſuorum ſequūtur; canes etiā pro ſuis Dominis
(vt notum eſt) moriuntur: ſolus homo ita du-
rus ac ferreus eſt, vt cui maximè gratum eſſe
conueniat, iſte omnium ingratiſſimus reperia-
tur. Sed iam te quoq; mea ſpectat oratio vbi-
cunq; locorū es, Ferdinande Rex inclyte, tuas
cogitationes cogitat, atq; vt hæ ingratīs tuis Bo-
hemis innoſcant, ſatagit. Certum inprimis
habeo te iſtum tuum, imò Reipub. Bohemæ in-
felicem caſum ita tecum æſtimare, vt quod tibi
à tuis contigit, ſoli ingratiſſimæ patriæ, meritò
adſcribas. Habes exempla non huius æui cor-
ruptiſſimi; at veteris illius memoriæ, vt eſt opi-
nio, laudatiſſimæ, quæ te id palam perdocent.
Habes apud Romanos Scipionem Africanum,
alterum Aſiaticum, tertium poſteriorem Afri-
canum;

canum; aliosq; non paucos, Deus bone, quantos, quamq; meritissimos Patriæ Patres. Habes apud Carthagenenses, horum imperij vindicem Hannibalem; apud Lacedæmonios (Deumne an hominem Apollo nescit) Lycurgum; Habes apud Athenienses Thesea, Solonem, Miltiadem, Aristidem, Themistoclem, Phocionem: viros, si Deos aspicias, Sanctissimos; si vitam illorum inter homines, inculpatissimos; si Remp. omnibus modis de illa meritissimos. Hæc tu tecum inprimis Ferdinande Rex optime cogitas: hæc ab ingratißima patria tot tantisq; viris iniecta vulnera, temetipsū aspiciēs, recordaris. Iam inde statim (quæ tua natura clementissima est) excusationes Bohemorum tuorum vndiq; confingis; errorem aliquorum non omnium insaniam appellas; non tam peruiacem quorundam temeritatem, quàm fatalem quandam necessitatem, ad tempus duraturam, & in melius abituram interpretaris. Te adhæc amnistiam omnium, quæ perpetrata sunt cogitare, te benefaciendo, auersos ciuium animos non pænas me-

nas meditando, velle conuertere; tibi rem cum
tuis subditis, non cum hostibus esse, passim lin-
guâ, nutu, literis, significas; atq; vt in omni tran-
quillitate beati ac florentes ciues tui viuant, hoc
agis, hoc sollicitè cogitas, hoc vnicum noctes
diesq; meditaris. Quid agitis tandem ô Bohe-
mi? quod numen vobis, vestrarumq; opinio-
num erroribus magis vnquam salutare exopta-
tis? Rex omnium iniuriarum suarum obliuisci-
tur; totum id quod fuit, humanitus accidisse
fatur; quicquid in posterum requiratis, id se
accuraturum pollicetur; suum tandem Regiæ
clementiæ sinum pandens, velut pater ille pro-
digum filium, cum osculo præstolatur. Quid
itaq; moras nectitis? quid tergiuersamini?
Cauete per Deum immortalem, ne superbum
& vobis exitiosum sit, eius vos clementiam tan-
tam repudiare; quâ repudiata Deum ipsum in
vos inclemētissimum persensuri sitis. Quod
si vos nondum tam inaudita Regis clementissi-
mi bonitas mouet; moueat ipsa afflictissima tot
iam per vos tempestatibus ac procellis iactata;

ac pe.

25
ac penè conquassata patria; moueat sanguis
effusus tot insontissimorum ex plebe hominū;
moueant gemitus & lamenta egentissimorum
ciuium; moueat deniq; ceruicibus nostræ pa-
triæ, iam iam extremum impendens exitium.
Quæ vt non à me affingi existimetis, sed in re
maiora, quàm per me dicuntur, intueamini; pa-
triam ipsam loquentem, quò magis credatis, at-
tendite: En hæc ad vos ita loquitur. Bohemorū
natio clarissima fætus meus mea propago; quo
tandem spiritu vertiginis agitaris, in quod ex-
tremum infortunium clademque supremam,
tuâmet voluntate præcipitaris? Religionem
auitam, pro qua vestri maiores mortem certis-
simam oppetere nunquam dubitauerunt; vos
illam è Regno proscribitis: ad cuius olim propa-
gationem, tertiâ regni parte, certatim eius di-
gnitatem promouentes, cesserunt; vos istam
omnibus despoliatis: quam demum tot iuri-
bus ac priuilegiis munitissimam posteris, velut
insequenti lampada, tradiderunt; vosnè istam
vsq; adeò raptatis? itane tot portentosarum hæ-
resum

resum monstris, tamq; inter se dissitis ac pugnantibus, obruitis? itane bellorum furias, tumultusq; nefarios, per omnem cum indignitate atrocitatem, contra illam concitatis? Ah me miseram quid patior, ah infelicem quantam malorum molem perfero? Bellum, bellum intra viscera mea sentio; Bohemos contra Bohemos in acie stare vidēs horreo; omnes regionis infelicis angulos, furore militū cōpletos, felicitatem eius profligatam aspectans; ah quantum præ dolore tabesco. Iam silent leges, artes conticescunt, virtutes labascunt: non pietatem in templis, non iustitiam in prætoriis, non pacis refugium in domibus priuatis inuenias: omnia vndiq; perturbata, prostrata, magna sui parte pessundata iacent. Vt feræ in syluis, vt pisces in aquis, vt per aërem volucres vitam agunt; ita nunc meis Bohemis vita viuitur: tenuis à potente impunè opprimitur, optimus à sceleratissimo per omnem vim affligitur; insontissimus à nocentissimo in pænas, in carceres, in eculeum trahitur. Quid cū reliqua memoro, heu meam

meam grauem & acerbam fortunam, quàm
crudeliter enecor? Hinc gemitus pauperum
oppressorum in cælum vsq; tolluntur, illinc
iam terribile classicum canitur; hinc fame ci-
uium emorientium greges conspiciuntur, illinc
armatæ cohortes diris cōtra se cuspidibus com-
mittuntur; hinc demum ciuitates expilatæ, vil-
læ direptæ, priuatorum domus bonis exspolia-
tæ miserabiliter in os oculosq; ingrediuntur;
illinc eheu tot millium iacent occisorum per
campos cadauera; nobiles cum plebeiis, viri
cum senibus, tot contrucidati; tot iuuenum
florētissimorum acerui, per agros patentes,
in victimam vestræ insanix mactati condupli-
cantur. Quò me vertam? quid faciam? quod
in tantis lamentorum occasionibus, aut vnde,
solatium aut consilium capiam? Vos vos ego,
mei Bohemi, sanguis meus appello; vos per ve-
stram salutem, per aras & focos, per & quicquid
charissimum & sanctissimum habetis, flens &
lachrymans obtestor: arma deponatis, Regi
vestro vos dedatis, per fidem & concordiam

F

nomen

nomen vestrum, ad immortalitatem propage-
tis. Hoc nisi iam facitis; actum est de illo no-
bilissimo Bohemorum imperio, actum de illa
pulcherrima totius Europæ Prouincia. Iam
hinc Polonorum gens bellicosissima, illinc Hi-
spanorum animosissima, iam Roma potentissi-
ma suis me viribus circumdabunt; iam in ve-
stram perfidiam ruentes, Regis optimi ius regi-
um, sanctumq; fas violatum, bellis cruentis
vindicated; heu quis scit, annon me pessun-
dabunt? Quid cum illum orbis terrarum archi-
piratam, Prouinciarum florentissimarum per
has occasiones versutissimum aucupem, re-
gnorum ac imperiorum formidolosissimum
creptorem Turcam recorder? heu quam ista
cogitatione trucidor? Circumiacentes tot re-
giones, quæ gemunt iugo eius oppressæ, aspici-
tis; quomodo eas infederit, per quas occasio-
nes in suam nefariam ditionem redegerit; me-
moriâ tenetis. Quapropter agite per Deum
immortalem, atq; si meum cadauer oculis vi-
dere non cupitis, saniores in animum cogita-
tiones

tiones inducite. Agite inquam, atq; ad pedes
Regis vestri prouoluti, veniam precibus & la-
chrymis precati, exitium supremū à me meāq;
vita (per vestram vos in me pietatem si quæ vſ-
quam est obtestor) propulsate. Hæc ad vos ita
vestra patria cum loquitur; mihi etiam lachry-
mas elicit; atq; me plura dicere volentem, ob
dolorem iustissimum, quem in medullis animi
mei concepi, longiorem esse non permittit.
Quamobrem finem facio, atq; tot rebus voci-
ferantibus, ampliùs taceo.

Nunc Te Deus Opt. Max. vniuersi terra-
rum orbis Oeconome Cœlestis atq; supreme,
imperatorum omnium Rector ac administrator
præsentissime, Regum Rex, atq; illorum fautor,
protector, & præmonstrator supra quàm cæte-
rorum hominum intime: Te nunc per quem
Reges regnant, in Regis & regni causa iudicem
& (nisi resipiscant) vindicem appello, atq; ob-
testor. Videt omnia videns oculus tuus, quan-
tis Bohemia, quamq; extremis infortuniis cō-
cutiatur; videt nihil non librans in sua statera,
F 2 iustitia

iustitia tua; quid Bohemorum audacia portentosa moliatur. Iusiurandum in tuo nomine sanctè præstitum, fidemq; datam fædissimè perfregerunt; patriam suam, bello per summū nefas excitato, cruore ciuium imbuerunt; a-
uos, abauos, atauosq; regis optimi de suis maioribus meritissimos, in illius persona, grauissimè, per summam impietatem, vulnerauerunt; Rempubicam, Religionem, omnia iura, humana diuina, sacra profana, priuata publica profanauerunt, violauerunt, conculcauerunt. Hæc tu cū diuinissimo æquitatis tuæ sensu per omnia diffuso persentiscis, iam flagellum iræ tuæ, iam virgas ferreas, in contumacem populum distringis. Sed tamen recordaberis ô Domine misericordiæ tuæ. Si remittunt de crimine: Tu à pæna manum retrahis; quia id pollicitus es. si dolent: dimittis; quia misericordissimus es. si meritis pensant offensionem: fælicitatem omnia vberius quàm erant instaurantem, beatosq; dies donantem cælitus emittis; quia natura tua, vniuersa bonitas est. Quod si tam
duræ

23
duræ cervicis Bohemia fuerit, vt in hæc ipsa
non otius inclinet, quæ natura monet, ius per-
suadet, regula præceptorum tuorum extor-
quet: quid restat aliud, nisi vt fidei per scelus a-
trox violatæ, necis tot ciuium sanguinisq; pro-
fusi, Regis ignominiosissimè habiti, tui nominis
Sacrosancti per Giganteam insaniam contem-
pti, pænas extremas Bohemi perpetiantur: atq;
(nisi ad se citius redierint) grandibus
æternisq; pænis, viui mortuiq;
mactentur.



quae cernis Bohemis fuerit, ut in hac ip[s]a
non omnia inclinet, quae natura mouet, in per-
luat, regis preceptorum inuoluntate extor-
quet: quid restat aliud, nisi ut subdoleret, a-
rox violare, necis tot ciuium sanguinis pro-
fuit. Regis ignorantia, siue habita, in no[m]inis
Sacrofan[cti] est per Giganteam insulam conuen-
tis: per eas eximias Bohemi perpeccantur: ard-
ent (nisi ad se ciuis redierint) grandibus



de
na
ma
up
ru
ma
ma
pa

